

秦

颶

讖

中

颶

己亥
于亥
揚冬
州月

Wt203/03

張中丞奏議序

張中丞奏議者余友江都張君丹叔之遺藁也君以一書生由太常改官牧令適余同官粵西相見桂林縞帶之雅如舊相識時丹叔年方強仕所治州郡政聲卓卓所著問心齋學治雜錄諸書士大夫奉爲治譜風行海內余讀而善之公謙之次輒縱談中外世變邊陲夷險口若懸河聞者忘倦余乃知君之才堪大用當於中興諸功臣中位置一席固不僅以治行傳也時湘南劉武慎公開府粵

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



西疏粵吏人才之尤異者聞於

朝首薦君及平湖謝公琴石惜謝不逾年遽殞未竟
其用鄙人名亦預焉繇是丹叔簡在

帝心旋以太守擢監司方伯不十年而亦開府廣西與
武慎後先相輝映撫粵三年遽以疾乞休又逾年
而大星隕矣嗚呼使天假之年丹叔之勛業豈可
量乎昔武慎撫粵西土匪蘇憫漢黃崇英皆巨寇
也交通法人嘯聚諒山掠奪內地武慎次第禽獮
之俾

朝廷無南顧憂丹叔治粵定越南之界法人莫敢有
違言斬馘亂民盧亞滙農當國等其雄畧亦與武
慎相埒惜其用未竟而設施遂止於是也覽其遺
墨爲之憮然頃余奉

恩命由蘇撫權督兩江君之令子幼丹將梓以行世以
余稔知君乞弁言於余余維武慎之薨今逾十年
而丹叔亦墓有宿草矣嗚呼天下之大世變之急
俯仰今昔人才實難余之泚墨數行以歸之幼丹
者其所感喟原不徒在椎牛喬公之冢與掛劍徐

君之樹也

光緒二十六年歲在庚子季春月定興鹿傳霖拜

序

張中丞奏議目錄

卷一

護理廣西巡撫謝 恩摺

新授廣西巡撫謝 恩摺

上林等屬齋匪滋事摺

西林縣苗匪滋事片

請補募營勇片

請免造徵信冊片

請設龍勝廳客民學額摺

請更鑄鹽法道印片

請改廳缺未盡事宜片

道員邊防出力請照原保給獎片

查照部咨將新事斬犯趕入本年秋審摺

查明光緒六七八年軍需用款報銷摺

遵旨入都請派員護理撫篆摺

仍留臬署募友片

已故撫臣功績卓著請將事跡宣付史館立傳摺

保獎勦辦上林等縣齋匪出力各員摺

請停佐雜分發二年片

購辦西洋軍火請免繳還原價片

卷二

已故撫臣功德在民請建專祠摺

養利等州縣錢糧請分別蠲緩帶征摺

拏獲西林縣匪首片

查明光緒九十一年軍需用款報銷摺

道員募勇軍餉專案報銷片

恩賞福字謝 恩摺

奏
之
言
金
恭報交卸撫篆入都摺

恭報回任日期謝 恩摺

查明光緒十二年至十七年軍需報銷摺

藩司募勇軍餉專案報銷片

龍勝廳屬歉收酌量撫恤片

捕辦貴縣等處滋事匪徒片

部駁軍餉報銷勇丁安家銀兩請准照銷片

考察屬吏分別舉核摺

永淳縣被水請將應征丁米分別蠲緩摺

養利等屬錢糧請分別蠲緩帶徵摺

防營春操請歸併秋操簡閱片

部駁軍餉報銷勇丁安家銀兩仍請照銷片

慈壽盛典報効點景銀兩摺

平樂府屬會匪滋事拏獲懲辦摺

附陳協餉情形片

查明光緒十八年軍需報銷摺

恩賞福字謝 恩摺

恭謝議叙摺

恭謝議叙摺

拏辦土忠州賊匪片

特參劣員摺

潯州府送部引 見片

會勘粵越邊界事竣摺

勘界情形片

卷三

測繪粵西輿圖告成摺

測繪用款請銷片

報解點景銀兩摺

遵 旨體察穀米釐金仍難停免摺

遵 旨詳查釐卡難再裁併摺

遵 旨籌備餉需摺

慶典 恩賞貧民銀兩核實散放摺

邊防游勇情形片

遵 旨查明錢局未能鼓鑄摺

部駁軍需報銷腰站用款請准照銷片

查明光緒十九年軍需報銷摺

籌解備荒經費摺

恭謝 恩賞摺

恭謝 恩賞摺

請添百色等廳縣拔貢名額摺

梧潯兩廠盈餘未能復額摺

瀝陳病狀懇 恩賞假摺

因病陳請開缺摺

界務獎案按照部議覆陳摺

附陳保獎實情片

遵 旨籌議開源節流十條摺 另清摺

卷四

富川等縣被水撫卹情形片

柳州等府匪徒滋事分別勦捕片

謝准開缺調理摺

遵 旨籌議臣工條奏分別詳陳摺 另清摺

遵 旨飭查廣西煤鐵各礦礙難開採片

融縣廩生蕭啟蕃請給卹蔭片

勦辦來賓等縣土匪摺

懲辦通匪武員片

遵旨籌辦摺

粵省民教相安辦理情形摺

道員送部引見片

查明光緒二十年軍需報銷摺

飭屬搜捕積匪辦理情形摺

恭報交卸撫篆日期摺

張中丞奏議卷一

奏爲恭報微臣接護撫篆日期叩謝

天恩仰祈

聖鑒事竊臣接准兩廣督臣李瀚章電開本年正月二

十九日接總理衙門來電奉

旨李瀚章電奏已悉廣西巡撫著張聯桂暫行護理欽

此知會欽遵等因到臣旋於二月初五日准撫臣

馬丕瑤委員署桂林府知府孫欽晃署撫標參將

梁效賢將廣西巡撫關防暨

引上之三言
王命旗牌等件賫送前來臣當卽恭設香案望

闕叩頭謝

恩祇領任事伏念臣籍隸江南服官嶺右由京秩而銓

外任晉郡守而厯監司臬事旋陳藩條游陟迭蒙

簡擢謬邀

特達之知未報涓埃彌切冰兢之懍茲復渥承

寵綍暫領疆符聞

命自

天伏慚無地竊維粵西地居邊徼巡撫疆寄躬膺政務

殷繁責任重大舉凡安民察吏籌餉練兵以及地方一切事宜在在均關緊要加以防務界務時有交涉事件覺措施之非易期控馭之得宜臣在粵有年於地方情形雖知梗概而迂疏寡效艱鉅難勝隕越時虞靖共倍凜臣惟有實心實力認真經理遇有要事電商督臣妥辦不敢以暫時攝篆稍涉因循以期仰答

高厚生成於萬一除接印日期恭疏

題報外所有微臣感激下忱理合恭摺具陳叩謝

天恩伏乞

皇上聖鑒謹

奏

奏爲恭謝

天恩籲懇

陛見仰祈

聖鑒事竊

臣

於本年三月十八日接准吏部咨光緒十

八年二月初十日內閣奉

上諭廣西巡撫著張聯桂補授欽此跪聆之下感悚莫

名當卽恭設香案望

闕叩謝

天恩伏念

臣

知識庸愚渥承

恩遇藩條濫厠愧報稱之毫無撫篆暫權凜冰淵而彌

惕茲復恭膺

簡擢

命撫是邦忝領封圻荷

鴻慈之逾格自維禱昧懼蚊負之難勝惟有顛懇

聖恩俯准微臣趨覲

天顏跪請

宸訓俾辨理庶務一切有所遵循庶幾勉竭駑駘以期

仰答

高厚生成於萬一如蒙

俞允臣應卽遵

旨入都惟新授廣西藩臬兩司現在均未到省巡撫篆

務接替乏人可否俟藩司黃槐森抵任交護撫篆

臣再趨赴

闕廷伏候

訓示欽遵所有微臣感激下忱籲懇

陛見緣由理合恭摺具陳叩謝

天恩伏乞

引中刃奏請

卷一

皇上聖鑒謹

奏

四

奏爲上林等屬齋匪勾煽滋事調撥兵勇會同地方
官勦撫擒渠散脅現在一律靖謐謹將籌辦情形
恭摺具陳仰祈

聖鑒事竊廣西自軍興以來伏莽總未淨絕全在督飭
地方官暨各屬防營隨時留心查察巡緝遇案獲
匪嚴辦以遏亂萌近年如藍妙涪黃道英等匪均
經先後撲滅奏報有案本年正二月間迭據上林
賓州武緣宣化隆安等州縣陸續稟報有匪徒持
齋誦經煽惑愚民勾結黨與分佈各處謀爲不軌

情事經前撫臣馬丕瑤暨臣調撥各路防營會同

地方文武妥爲籌辦去後旋據上林縣知縣王方

田管帶右軍右營候選通判梁學智會稟稱先是

縣屬之藍幹街地方於上年冬間有匪徒莫自閑

等行劫過客經該前署縣劉遂曾稟奉前撫臣馬

丕瑤嚴飭購緝劉遂曾未及破獲隨卽病故王方

田奉飭赴任甫抵縣境卽訪聞莫自閑在縣屬之

古蓬地方聚匪多人拜盟結會王方田到任後卽

約會該營官梁學智各帶勇役親往查辦十二月

十八日該匪莫自閑於官兵未到之前邀集匪類
歃血飲酒約期起事先率悍黨數十人突至附近
之延按墟劫掠王方田等聞報飛馳往捕該匪施
放鎗炮率眾迎拒王方田等督同勇役合力上前
格斃匪黨二名生擒二名匪眾奔散又追擒三名
因值黑夜未能窮追連日偵知莫自閑已回古蓬
留有死黨在家防守該處地方荒僻內通弄芒山
路險菁深該匪房屋堅固後靠山巖復於前門連
夜趕建炮樓牆上多開炮眼顯有負隅之勢附近

居民紛紛逃避王方田因兵力尙單不動聲色密調團練該營官梁學智亦密添哨勇於二十六日進逼古蓬匪巢駐紮大張曉諭解散脅從重懸賞格嚴拿匪首隨即布置合圍王方田親帶兵役扼守東北一路要隘派周安司巡檢楊英思吉汎千總莫若忠喬賢汎外委陳一觀各帶兵役團練分守各要隘層層緊圍四面堵截梁學智率隊勇圍攻前門派哨長梁啟瑞農有言督勇圍攻後門該匪在內施放鎗炮拒敵自二十六日早合圍至二

十七日傍晚時候該匪突開後門帶同死黨數十人拚命衝出官兵從後追擒三名餘悉遁入弄芒山巖王方田等多燃號火連夜追至山下四面環擊該匪莫自閑率眾在山巖上滾擲石塊火藥堅拒正在相持倏有匪黨二十餘人從圍外來援當被團丁截殺生擒匪目藍怡和及匪黨三人兵勇亦奮力仰攻陸續格殺匪黨多名隨將莫自閑及悍匪樊保林等十餘名擒獲餘眾潰竄比及天明收隊在山巖內搜獲數名共計生擒二十六名起

獲鎗礮刀矛旗幟等件查點勇練兵役亦受傷十
一人王方田當卽安撫良民清查保甲並籌善後
事宜酌留防勇彈壓將犯帶回縣城訊供稟報此
上林縣屬莫自閑一股滋事勦辦之實在情形也
又據賓州知州朱蕡稟稱本年正月初間訪聞有
匪徒在州屬地方持齋誦經布散僞札招集夥黨
製造旗幟號衣情事會營查辦經城守把總謝貴
保在州屬淶連村黃益風家搜出僞札一件札面
蓋用正字僞關防文曰統領會字全軍黃天模札

尾盖用篆字偽關防文曰統領兵馬大元帥當將
黃益風帶回州城交朱蕢訊供據稱匪首農當悃
又名張地理給與偽札囑令邀集五百人聽候卯
日豎旗調用農當悃在各處地方藏匿並無定踪
有偽軍師朱譜明又名朱佚子又名牛八爲之策
畫此外黨與甚眾上林武緣宣化一帶均有匪黨
潛伏接應設立龍華大會名曰藉詞招勇赴關外
攻打夷匪實則約會定期起事隨據武緣縣知縣
陳鏡清宣化縣知縣席夔隆安縣知縣褚興周先

後稟報均查有齋匪潛行勾結並據上林縣知縣
王方田提訊已獲匪首莫自閑亦據供有匪目黃
振超代農當囑給與偽札令其糾邀一二千人相
應其餘情節與賓州等處稟報相同 臣接據各屬
稟報誠恐一有稽延卽虞滋蔓其時賓州防勇已
隨梁學智前往古蓬當卽飛調駐防潯州之後軍
中營都司蔣良瑞隨卽署右江道方長華馳赴賓
州相機妥辦並飭梁學智古蓬事畢酌留哨勇彈
壓外卽親身督勇仍赴賓州以厚兵力又調駐防